

唐山縣志卷十

人物列傳

帝王

后妃附

天地一遠廬也古今一傳舍也惟恃有人焉發其性情才智以宏道而宣猷叢爾小邑上下千百年君相出其中聖賢亦出其中次而畸人義士無弗吐英振藻以鳴一得則苞符無匿采矣志人物而冠以帝王允宜志帝王

康熙志

後周太祖姓郭氏名威邢州堯山人好讀春秋略

知兵法隱帝遇害將士擁立威國號後周都汴
在位三年

按史漢高祖知遠拜威爲樞密副使隱帝立拜
樞密使破李守貞隱帝與李業等謀殺威威舉
兵渡河遼主入寇漢太后命威將大軍擊之威
發大梁館於澶州癸丑旦將發將士數千人忽
大譟威命閉門將士踰垣發屋而入曰天子須
侍中自爲之將士已於劉氏爲讐不可立也或
裂黃旂以被威體共扶抱之呼萬歲振地因擁
威南行辛亥正月稱皇帝國號周以木德都汴
在位三年而崩壽五十三葬新鄭縣之西韓
堡今城東北二里許郭園村卽其梓里也

世宗名榮柴氏周太祖后兄守禮之子太祖無後
養榮爲子封晉王太祖崩遂承大統

按周主以郭榮爲開封尹封晉王兼侍中判內外兵馬事特羣臣希得見周主中外恐懼聞晉王興兵人心稍安壬辰周主殂晉王卽皇帝位在位六年壽三十九葬慶陵今城北山南村卽舊柴家莊世宗故里

后妃

後周聖穆皇后柴氏后與周太祖同里遂歸焉太祖微時喜飲博后嘗諫止之及太祖卽皇帝位后先卒追冊爲皇后諡曰聖穆

孫志曰吾讀史至廣順顯德而憬然悟五代之有可觀者其在後周宇宙間也太祖詔百官上封事則曰朕生長軍旅不親學問及毀漢宮寶玉則曰凡爲帝王安用此物卜朔而拜孔子之

墓祠則曰孔子百世帝王之師敢不敬乎罷戶
部營田務則曰利在民猶在國也非賢主而能
若是耶世宗高平之捷身先士卒慨然有削平
天下之志且曰兵在精不在多奈何股民膏以
養此無用之物此二君者其愛民惜物之隱謂
非得陶唐氏之遺風歟至器度撝謙其浸洽於
孔岡禮樂之化者
不可謂無自也

仕蹟

士君子出身加民或位至將相或職綽半綬勲業著於當時膏澤遺於後世令聞廣譽口碑在道者誠有在矣唐自魏隋唐宋以及元明代有其人爰綴舊志廣其未逮著之於篇不沒其過人之概不奪其晚節之美庶百世下聞風繼起良法美意追配前人於唐士有厚望焉志仕蹟

隋太子通事舍人李百藥撰

魏李元忠邢州柏人人也曾祖靈衛定州刺史鉅

鹿公祖恢鎮西將軍父顯甫安州刺史元忠少
厲志操居喪以孝聞襲爵平棘子魏清河王懌
爲司空辟爲士曹參軍遷太尉復啟爲長沙軍
懌後爲太傅尋被詔爲營構明堂大都督又引
爲主簿元忠粗覽史書及陰陽數術解鼓箏兼
好射彈有巧思遭母憂去任未幾相州刺史安
樂王鑒請爲府司馬元忠以艱憂固辭不就初
元忠以母老多患乃專心醫藥研習積年遂善
於方技性仁慈見有疾者不問貴賤皆爲救療

家素富實其家人多有僭貸求利元忠每焚棄
免償鄉人甚敬重之魏孝明時盜賊蜂起清河
有五百人西戍還經南趙郡以路梗共投元忠
奉絹千匹元忠唯受一匹殺五羊以食之遣奴
爲導曰若逢賊但道李元忠遣送奴如其言賊
皆捨避永安初就拜南趙郡太守以好濟無政
績值洛陽傾覆莊帝憂崩元忠棄官還家潛圖
義舉會高祖率衆東出便自往奉迎乘露車載
素箠濁酒以見高祖因進縱橫之策備陳誠款

深見嘉納時刺史爾朱羽生阻兵據州元忠先
聚聚於西仍與大軍相合擒斬羽生卽令行殷
州事中興初除中軍將軍衛尉卿二年轉太常
卿殷州大中正後以從兄瑾年長以中正讓之
尋加征南將軍武帝將納后卽高祖之長女也
詔元忠與尚書令元羅致娉於晉陽高祖每於
宴席論叙舊事因撫掌欣笑云此人逼我起兵
賜白馬一匹元忠戲謂高祖曰若不與侍生當
更覓建義處高祖荅曰建義成不慮無之最惡

路老翁不可遇耳元忠曰正爲此翁難遇所以
不去因將高祖鬚而大笑高祖亦悉其雅意深
相嘉重馬倒被傷當時殞絕久而方賴高祖親
自撫視其年封晉陽縣伯邑五百戶後以微譴
失官時朝廷離貳義旗多見猜阻斛斯椿等以
元忠淡於榮利又不以世事經懷故不在嫌嫉
之地尋兼中書令天平初復爲太常後加驃騎
將軍四年除使持節光州刺史時州境災儉人
皆菜色元忠表求賑貸候秋徵收被報聽用萬

石元忠以爲石給人計一家不過升斗而已
徒有虛名不收其弊遂出十五萬石以贖之事
訖表陳朝廷嘉而不責興和末拜侍中元忠雖
舌要任初不以物務於懷唯以聲酒自娛大率
其醉家事大小了不關心園廬之內羅種果藥
亦可尋請必留連宴賞每挾彈携壺邀遊里閭
園賞飲酌蕭然自得常布言於執事云年漸通
老恐方已日久奉名官以妨賢路若朝廷厚賢
者以棄棄者乞在閑死以養餘年武定元年監

東徐州刺史固辭不拜乃除驃騎大將軍儀同
三司曾貢世宗蒲桃酒一盤世宗報以百練練
遺其書曰儀同位亞台鉉識懷貞景出藩入侍
備經要重而猶然家無儋石室若懸磬豈輕財
重義奉時曰曰故也又相嘉尚嗟咏無極恒思
標賞有意無由忽辱蒲桃良深佩戴聊用絹百
匹以酬清德也其見重如此孫騰司馬子如嘗
共詣元忠見其坐樹下擁被對壺庭室蕪曠謂
二公曰不意今日披藜藿也因呼妻出衣不曳

地二公相顧嘆息而去大餉米絹衣服元忠受
而散之三年復以本官領衛尉卿其年卒於位
年六十詔贈縑布五百匹使持節督定冀殷幽
四州諸軍事大將軍司徒定州刺史謚曰敬惠
初元忠將仕變去執炬火入其父墓中夜驚起
甚惡之且告可同崇師言云大吉此謂光照先
人終致貴之矣子孫嗣播字德沉而聰敏有才
藝音律博學之國祿將致音律師該聲別造一
器狀用八絃若人無足可做之家曰行參軍

累遷河內太守百姓安之入爲尚書儀曹郎
保八年卒

史臣曰元忠本自素流有聞教義人倫之舉未
以縱橫許之屬莊帝幽崩群雄矯擅士之有走
力者皆望勤王之師及高祖東轅事與心會果
遇雄姿遂瀝肝膽以石投水豈徒然哉旣享功
名終知止足進退之道有可觀焉

隋李孝貞好學能文以射策甲科授給事中後拜
上儀同三司開皇初出守馮翊遷蒙城刺史十

民安之

隋李德饒邢州栢人人也祖徹魏尚書右丞父純
開皇中爲介州長史德饒少聰敏好學有至性
宗黨咸敬之弱冠爲校書郎仍直內史省參掌
文翰轉監察御史糾正不避貴戚大業三年遷
司隸從事每巡四方理雪冤枉褒揚孝悌雖位
秩未通其德行爲當時所重凡爲交結皆海內
名流性至孝父母寢疾輒終日不食十旬不解
終日悲憂水漿不入口五日哀慟毀血數升

送葬之日會仲冬積雪行四十餘里單纓徒跣
號踴幾絕會葬者千餘人莫不爲之流涕後甘
露降於庭樹有鳩巢其廬納言楊達巡省河北
詣其廬弔慰之因改所居村名孝敬村里爲和
順里後爲金河長未之官值羣盜蜂起賊率格
謙孫宜雅等十餘頭聚衆於渤海時有勅許其
歸首謙等懼不敢降以德饒信行有聞遣使奏
曰若使德饒來者卽相率歸首帝於是遣德饒
往渤海慰諭諸賊行至冠氏會他盜攻陷縣德

饒見害其弟德昭性重然諾大業末爲離石郡
司法書佐太守楊子崇特禮之及義兵起子崇
遇害棄尸城下德昭赴哭盡哀收瘞之至介休
詣義師請塋子崇大將軍嘉之因贈子崇官令
德昭爲使者往離石禮塋子崇焉

王季嗣真字承胄邢州栢人人多藝數舉明經中
之累調許州司功參軍蘭敏之修撰東臺表嗣
實直宏文館與學士劉獻臣徐昭皆少有名號
三少高宗東封還詔贈孔子太師命有司爲祝

司文郎中雷少穎文不稱旨更命嗣真謂道
頃帝覽稱善詔加兩階敏之等倚恩自如嗣易
不喜求補義烏令敏之敗學士多連坐嗣真獨
免調露中爲始平令風化大行時章懷太子作
保慶曲關於太清觀嗣真謂道人劉槩輔儼曰
宮不召商君臣乖也角與徵戾父子疑也死聲
多且哀若國家無事太子任其咎俄而太子廢
庶等奏其言擢太常丞加五禮儀封常山縣子
嗣真曰隋樂府有堂堂曲明唐再受命比日有